



Warbixinta

Shir-gudoonka ee Kal-fadhigii 36^{aad}

(10 March 2018 ilaa 08 May 2018)

July 2018

Ku: - Mudanayaasha Golaha Wakiilada JSL

Ujeedo: - Warbixinta Shir-gudoonka ee Kal-fadhigii 36^{aad}

Ajandihii Kal-fadhigii 36^{aad}

10/03/2018

1. Warbixinta Shirgudoonka, iyo Guddida Joogtada ah iyo Gudiyadda G/W
2. Mashaariicda Sharci ee Golaha Horyaal.

No.	Magaca Xeerka	Cida Gacanta ku haysa
1.	Xeerka Maareynta Qashinka	Guddi Gaar ah
2.	Xeerka Qandaraasyada Qaranka	Gudidda Ilaalinta Hantida
3.	Miisaaniyadda Dawladda 2018	Was.Maaliyadda
4.	Qabyo-qoral Xeerka Tamarta iyo Korontada	Gudida deegaanka iyo khayraadka
5.	Xeerka Saxafadda	Gudidda Arrimaha Bulshada
6.	Xeerka Doorshada Golaha Wakiilada	Gudidda Arrimaha Gudaha iyo nabadgalayd
7.	Xeerka Shaqaalaha Baarlamanka	Akhriska 1 ^{aad}
8.	Qabyo-qoral Xeerka Macadanta Somaliland	Gudidda deegaanka
9.	Qabyo-Qoral Xeerka Sahaminta Shidaalka iyo Soo saaristiisa	Gudidda deegaanka
10.	Qabyo-qoral Xeerka Dakhliga Shidaalka	Gudidda Dhaqaalaha
11.	Xisaab –Xidhka 2016	Gud. Ilaalinta Hantida Qaranka
12.	Qabyo-qoral Xeerka Xawaladaha	Gud.Dhaqaalaha
13.	Qabyo-qoral Xeerka ilaalada Xeebaha Somaliland	Gudidda arrimaha Gudaha
14.	Qabyo Qoraalka Xeerka Wadooyinka	Gudida Gaadiiddka iyo Wadooyinka
15.	Xeerka Maydhiista Lacagta	Gole waynaha

3. Ansixinta Masuuliyiinta Qaranka
4. Xeerarka Golaha Guurtida ka soo noqda
5. Iyo Wixii kale ee soo kordha

Kal-fadhigii 36^{aad}

No	Kal-fadhiga	Taariikhda uu furmay	Taariikhda uu xidhmay
1.	36 ^{aad}	10/03/2018	08/05/2018

Mudanayaal,

Si aynu u gudano hawlaha inoo qorshaysan *kal-fadhiga 37aad* ee iminka aynu galnay isla markaana aynu u dardar galino, una dhameystirno hawlahii inaga baaqdey kal-fadhigii hore inagoo gudanayna Waajibaadkeena Qaran, waxaan halkan idiinku soo gudbinaynaa wax-qabadkii Golaha Wakiilada ee kal-fadhigii 36aad oo dhamaystiran si aad u xasuusataan waxyaabihii inoo qabsoomay iyo wixii inaga baaqday ee inoogu qorshaysnaa ajandahaas hore.

Kal-fadhigii 36aad ee Golaha waxa u qabsoomay waxyaabo badan oo aad u muhiima kuwaas oo ay ugu waynayeen Ansixintii Mashaariic Sharci, Masuuliyiin Qaran, Ansixinti Heshiiska Dekada Berbera iyo Qaraaro uu Goluhu soo saaray.

Hadaba, Mudanayaal waxaan halkan idiinku soo gudbinaynaa wixii kal-fadhigii 36aad ajendihiisii ka qabsoomey iyo Wax qabadkii Gudiyada Golaha si aynu u dardargalino shaqada inoogu qorshan kal-fadhigan 37aad.

Warbixinadii Golaha laga laga hor akhriyay.

Tar.	Warbixinta	Cid akhridey
11/03/2018	Warbixintii Heshiiska Saami-qaybisga Dekada Berbera ee Somalilad, shirkada DP-world iyo Dalka Itoobiya wada-galeen	Md. Sacad Cali Shir Wasiirka Arimaha Dibada iyo Md. Yuusuf Maxamed Cabdi Wasiirka Maaliyada.
18/03/2018	Warbixintii Shir-gudoonka ee Kal-fadhigii 36aad.	Mr. Cabdirisaaq Siciid Ayaanle Xog-hayaha Guud ee Golaha Wakiilada.
19/03/2018	Warbixinta Gudida Ilaalinta iyo Dabagalka Hantida Qaranka ee Safarkii Tanzania iyo wax Qabadkii Gudiddaas	Md. Naasir X. Cali Shire Gudoomiyaha Gudidda
19/03/2018	Warbixinta Gudidda Joogtada	Md. Axmed Ducaale Bulaale Gudoomiye xigeenka Gudida
01/04/2018	Warbixintii Wasiirka Maaliyada ee Odooroska Miisaaniyada Qaranka 2018	Md. Yuusuf Maxamed Cabdi Wasiirka Horumarinta Maaliyada.
07/04/2018	Warbixintii Gudidda Dhaqaalaha ee Miisaaniyada 2018	Md. Cumar Axmed Saleebaan (Sanweyne)
21/04/2018	Warbixintii Xeerka Qandaraasyada Qaranka ee Gudida Ilaalada iyo Dabagalka Hantida Qaranka.	Md. Naasir X. Cali Shire Gudoomiyaha Gudidda

23/04/2018	Warbixintii Xeerka Qashinka iyo Fayo Dhawrka Magaalooyinka ee Gudidda Deegaanka.	Md. Siciid Warsame Ismaaciil Gudoomiyaha Gudidda
------------	--	--

Xeerarkii uu Goluhu Ansixiyay:-

No	Mashruuc Sharciga la Ansixiyay	Taariikhda	Halka loo gudbiyay
1.	Xeerka Tamarta	29/04/2018	Guurtida
2.	Xeerka Qandraasyada	13/05/2018	Guurtida

Ansixintii Miisaaniyada Qaranka 2018.

Mudanayaal, Golaha Wakiiladu Waxaa la horkeenay 01/04/2018 Odooroska Miisaaniyada Qaranka 2018ka, waxaana Warbixin iyo Faah-faahin ka siiyay Golaha Miisaaniyadaas Wasiirka Horumarinta Maaliyada **Md. Yuusuf Maxamed Cabdi** isla maalintaas, intaas ka dib sida hab-raaca sharci dhigayo waxaa lagu wareejiyay Gudidda Dhaqaalaha, Maaliyadda iyo Ganacsiga ee Golaha si ay waajibaadkeeda uga soo gudato Golaha Warbixin ay ugu soo celiso.

Markii Gudidda Dhaqaaluhu soo naaqishtay isla markaana wixii ay su'aalo iyo cadaymo u baahnayd ka soo waydiisay cidii ay khusaysay, waxay Golaha Warbixintii Miisaaniyada ku soo celisay 07/04/2018, intaas ka dib wuxuu Goluhu u yeedhay Wasiirka Maaliyada oo ay Mudanayaashu su'aalo badan ka waydiiyeen Miisaaniyada Wasiirkuna uu Mudanayaasha ugaga jawaabay, iyadoo fadhigii xigay Mudanayaashu dood laba cisho socotay ka yeesheen Miisaaniyadaas.



Waxay Miisaaniyadan oo ka badnayd 9% (Boqolkiiba Sagaal) Miisaaniyaddi 2017 ay Guud ahaan ku talo galka Dakhliga ee Miisaaniyadda 2018 uu ahaa **2,218,782,985,769** SI Shilling.

Intaas ka dib, Taariikhdu markay ahayd 08/04/2018 wuxuu Golaha Wakiiladu ku ansixiyay Odoroska Miisaaniyada sanadka 2018ka fadhi uu yeeshay kaas oo ay ka soo xadireen 50 Mudane waxay 47 Xildhibaan ay u codeeyeen in Miisaaniyadda la ansixiyo, Laba Mudane ayaa diiday, hal mudanena wuu ka aamusay, sidaas ayaanay ku Ansaxday Odoroskii Miisaaniyada Sanadka 2018ku.

Mooshinadii Golaha la-horkeenay.

No	Mooshinka	Tariikhda la keenay
1.	Mooshinkii Wax ka-badalka & kaabista Xeerka Gobolada iyo Degmooyinka	20/03/2018
2.	Mooshinkii Haamaha Shidaalka	05/05/2018
3.	Mooshinkii Wax ka-badalka & kaabista Xeerka Kaluumaysiga	07/05/2018

Masuuliyintii Qaran ee Goluhu Ansixiyay.

No	Magaca	Xilka Masuulka	Taariikhda
4.	Md. Sacad Cali Shire	Wasiirka Wasaarada Arrimaha Dibadda	02/04/2018
5.	Md. Cawaale Ibraahim Shirwac	Wasiirka Wasaarada Qorshaynta Qaranka	02/04/2018
6.	Md. Axmed Yuusuf Dirir	Hanti-dhawraha Guud ee Qaranka	08/04/2018

Go'aankii Goluhu ku taageeray kuna Ansixiyay Heshiiska Saami-qaybsiga Dekada Berbera ee DP World, Ethiopia iyo Somaliland.

Wuxuu Golaha Wakiiladu ku taageeray kuna Ansixiyay heshiiskii saami-qaybsiga maalgashiga Dekada Berbera oo dhexmaray Somaliland, Shirkada DP World iyo Dalka Itoobiya, sidoo kale Goluhu wuxuu cambaareeya go'aankii Baarlamanka federaalka Somalia ee iyagoo u jeedda Dalka Somaliland iyo Heshiiskii Dekada Berbera ay ku mamnuuceen shirkadda DP World ee dalka Imaaraatka Carabta.

Go'aankan oo Golaha Wakiiladu soo saaray 12/03/2018 fadhi uu yeeshay ayuu cod aqlabiyad ah oo dhan 54 (afar iyo konton mudane) ku ansixiyay go'aamadan: -

1. Madax-banaanida, Midnimada iyo Xuduudaha Jamhuuriyada Somaliland waa lama taabtaan.
2. Golaha Wakiillada Somaliland wuxuu cabaaraynayaa go'aanka gardarada ahaa ee Golaha shacabka ee dawlada somaliya ka soo saaray dekada Berbera, sidoo kale wuxuu Goluhu si xoogan u cabaaraynayaa faragalinta qaawan ee ay dawlada somaliya ku hayso madaxbanaanida iyo qaranmida jamhuuriyada Somaliland.

3. Goluhu isagoo gudanaya waajibaadkiisa dastuuriga ah ayiday maalgashiga kheyraadka dabiiciga ah iyo kaabayaasha dhaqaalaha si kaabayaasha dhaqaale ee dalka si loo xoojiyo kobcinta dhaqaalaha, shaqo abuurista iyo nololaha bulshada guud ahaan
4. Golaha wuxuu mar labaad taageeray isagoo gudanaya waajibaadkiisa dastuuriga ah ansixinta uu 9kii bishii | Augusta 2016 cod aqlabiyad ah (69 cod) ku meel mariyay heshiiska maalgashiga Dekada Berbera.
5. Golaha waxaa uu go'aamiyay in cid walba oo ka qeyb qaadata ama taageerta ama si uun gacan siisa xukuumadda Soomaaliya dhaq-dhaqayada lidka ku ah jiritaanka iyo madaxbannaanida Somaliland loo aqoonsado cadaw qaran.
6. Golaha wuxuu ururka Qaramada Midoobey, Midowga Afrika, Jaamacadda Carabta, IGAD, Dawladaha Jamhuuriyada Somaliland ka taageera horumarka iyo dimoqoraadiyadda u caddeynayaa in dhaq-dhaaqyada Soomaaliya ka waddo geeska Afrika kuwa keenni kara xasilooni darro, balse Jamhuuriyada Somaliland mar kale Dunida u Cadaynayso inay mabd'ahaan aaminsantahay, loona baahan yahay in si wada jir ah loo ilaaliyo nabad ku wada noolaanshaha, istixgalinta iyo xuquuqda aayo ka tashiga.
7. Golaha waxaa uu ku baaqay dhammaan muwaadiniinta Somaliland inay si buuxda isu garabtaagaan golayaasha qaranka iyo ciidamada dalka ilaalinta madaxbannaanida, sharafta iyo midnimada dad ahaaneed iyo dhul ahaaneed ee jamhuuriyadda Somaliland.

Fadhi Wada jir ah iyo Khudbad Sannadeedka Dastuuriga ah ee Madaxweynaha.

25/03/2018 fadhi wada-jir ah oo yeesheen laba Gole Baarlamaan ee (Golaha Guurtida iyo Golaha Wakiilada) Madaxweynaha Jamhuuriyada Somaliland Md. Muuse Biixi Cabdi oo la doortay dhamaadkii Sanadkii hore ee Bishii November 2018 wuxuu markii ugu horaysay ka hor akhriyay khudbad Sanadeedkii Madaxweynaha oo ah Dastuuri sanadkasta bilowgiisa uu Baarlamaan (Golaha Guurtida iyo Golaha Wakiilada) ka akhriyo fadhi wada jir ah.



Hadaba Khudbadan oo Madaxweynuhu ka hor akhriyay Golayaasha wuxuu kaga hadlay arrimo badan oo ku saabsan Siyaasada Arrimaha Gudaha iyo tan Arrimaha Dibada iyo sidoo kale qorshayaasha Xukuumada, waxaana ka mid ahaa waxyaabaha ay ka koobnayd khudbadu:-

1. Amniga.
2. Siyaasadda Arrimaha Dibedda.
3. Dhaqaalaha iyo Horumarka.
4. Kaabayaasha Dhaqaalaha.
5. Arrimaha Bulshada.
6. Maamul-wanaagga iyo Maamul-daadejinta.
7. Garsoorka iyo Cadaaladda.
8. Abaaraha iyo Isbeddelka Cimillada.
9. Doorashooyinka
10. Warbaahinta.

Xeerarka Golaha horyaal.

A. Xeerarka Gudiyadu gacanta ku hayaan:-

No.	Magaca Xeerka	Gudidda gacanta ku heysa
1.	Xeerka Xawaaladaha	Gudidda Dhaqaalaha
2.	Xeerka Dhaqaalaha Shidaalka	Gudidda Dhaqaalaha
3.	Xeerka Sahminta iyo Soo saarista Shidaalka	Gudidda Deegaanka iyo Kheyraadka Dabiiciga
4.	Xeerka Macdanta	Gudidda Deegaanka iyo Kheyraadka Dabiiciga
5.	Wax ka badalka Xeerka Saxaafada	Gudidda Arrimaha Bulshada iyo Diinta
6.	Xeerka ka hortaga Argagaxisada	Gudidda Arrimaha Gudaha
7.	Wax ka badalka Xeerka Doorashada Guud iyo D/galinta	Gudidda Arrimaha Gudaha
8.	Xeerka Hay'adda Wadooyinka	Gudidda hawlaha Guud iyo Gaadiidka
9.	Xeerka Shaqaalaha Dawlada Hoose	Gudidda Arrimaha Bulshada
10.	Waxa ka badalka iyo kaabista Xeerka Ciqaabta Guud	Gudidda Cadaalada, Garsoorka iyo X. Insaanka
11.	Wax ka badalka Xeerka Nidaamka Garsoorka	Gudidda Cadaalada, Garsoorka iyo X. Insaanka
12.	Xeerka Ciidanka Ilaalada Xeebaha	Gudidda Arrimaha Gudaha
13.	Xeerka Shaqaalaha Baarlamaanka	Gudidda Joogtada iyo Anshaxa
14.	Wax ka badalka Xeerka G. iyo Degmooyinka Xeer Lr. 23	Gudidda Arrimaha Gudaha
15.	Wax ka badalka Xeerka Kaluumaysiga	Mooshin Golewaynaha

B. Xeerarka GoleWaynaha Horyaal: -

16.	Xeerka Maamulka Qashinka (Waste Management Bill)	Akhriskii labad
17.	Xeerka Maydhista Lacagta	Akhriski labaad

Waxqabadka Guddiyada Golaha Wakiilada.

Gudiddayada Golaha Wakiiladu waxay ka kooban yihiin 10 Guddi oo kala ah.

1. Gudidda Joogtada iyo Anshaxa.
2. Gudidda Dhaqaalaha, Ganacsiga iyo Maaliyada.
3. Gudidda Deegaanka iyo Kheyraadka Dabiiciga ah.
4. Gudidda Arrimaha Bulshada iyo Diinta.
5. Gudidda Dastuurka, Garsoorka Cadaalada iyo Xuquuqal Insaanka.
6. Gudidda Arrimaha Dibada, Iskaashida Caalamiga iyo Qorshaynta.
7. Gudidda Arrimaha Gudaha iyo Nabadgelyada.
8. Gudidda Sirdoonka iyo Nabadsugida.
9. Gudidda Illaalinta iyo Dabagalka Hantida Qaranka.
10. Gudidda Hawlaha Guud iyo Gaadiidka.

Gudiyada Golaha wakiiladdu iyagoo Gudanaya Waajibaadkooda uu Dastuurka iyo Xeer-hoosaadka Golaha Wakiilada siiyay, waxay qaybtaan shaqooyinka ugu mihiimsan golaha, iyada oo gudi wal u qaabilsan shaqooyin gaar ah Golaha.

Sidaa darteed waxay golaha uga soo warbixiyaan Masuuliyiinta la ansixiyo ee ay Xukuumadu soo magacawdo iyo Hay'adaha Madaxa Banaan, waxaan halkan idinku soo gudbinaynaa wax qabadkoodii iyo masuuliyiintii ay ka soo talo bixiyeen Ansixintooda.

Guddida Joogtada iyo Anshaxa.

Sida uu waajibinayo Xeer hoosaadka Golaha Wakiiladdu waxay Guddida Joogtada iyo Anshaxu hawlaha Golaha sii wadaan muddada uu Goluhu fasaxa ku jiro.

Guddida Joogtada iyadoo gudanaysa waajibaadkeeda sharci ee xil-gudashada hawlaha qaran, iyadoo ka duulaysa muhiimada ay leeyihiin hawlaha qaran ee ay u hayaan Wasaaradaha Iyo Hay'adaha Madax-Banaani ee Dawlada, Waxa ay mudanayaasha Guddida Joogtadu kulamo xog-waraysi la yeeshen warbixino kala duwana ka dhagaysteen masuuliyiinta Wasaaradaha iyo Hay'addaha Madaxa-banaan ee Qaranka qaar ka mida.

Waxay kulamo Xog-waraysi Guddidu la yeelatay: -

No.	Meelaha ay la kulmeen	Taariikhda kulanka
1.	Gudoomiyaha Baanka Dhexe	29/05/2018
2.	Maareeyaha Hay'ada ka Hortaga Aafooyinka Dabiiciga ah iyo Kaydka Raashina Qaranka	20/06/2018
3.	Hanti-Dhawraha Guud ee Qaranka	25/06/2018

Kulamadii Guddida Ka Baaqdey Intii Kalfadhiga Fasaxiisa:-

1. Gudoomiyaha Hay'ada Shaqaalaha Dawlada
2. Gudoomiyaha Rugta Ganacsiga

Guddida Dhaqaalaha, Ganacsiga iyo Maaliyada.

Guddida Dhaqaaluhu intii lagu jiray kal-fadhigiia 36^{aad} waxyaabahay qabatay waxaa ka mid ahaa:-

- kulan ay la yeelatay 03/04/2018 Wasiirka iyo Saraakiisha sare sare ee Wasaarada Horumarinta Maaliyada kulankaas oo Guddidu wax kaga waydiinaysay Miisaaniyada 2018ka oo Guddidu Gacanta ku haysay.
- 07/04/2018 Waxay Guddidu Golaha uga soo talo bixisay Warbixina uga soo gudbisay Odoroska Miisaaniyada Qaranka 2018ka

Guddida Deegaanka iyo Kheyraadka Dabiiciga ah.

Guddida Khayraadka Dabiiciga ah iyo Deegaanku Waxay Golaha u soo Gudbisay laba Xeer oo kala ahaa:-

- Xeerka Fayadhowrka iyo Maaraynta Qashinka oo ay Warbixin ka siisay Golaha taariikhdu markay ahayd 23/04/2018.
- Xeerka Tamarta Korontada Taariikhdu markay ahayd 09/04/2018.

Gudidda Arrimaha Bulshada iyo Diinta.

Gudidda Arrimaha Bulshada iyo Diinta oo ka mid ah 10ka Gudi-hoosaad ee Golaha, waxay kulamo xogwaraysi iyo wada-shaqayneed la yeelatay Wasaaradaha kala ah:-

- Wasiirka Wasaarada Waxbarashada iyo Sayniska Md. **Yaasin Maxamuud Xiir (Faratoon)** taariikhdu markay ahayd 03/04/2018.
- **Wasiirada Arrimaha Bulshada iyo shaqada Md. Hinda Jaamac maxamed xirsi (Gaani)** taariikhdu markay ahayd 29/04/2018.
- Wasiirka Wasaarada Diinta iyo Awqaafta Md. **Khaliil**

Gudidda Arrimaha Gudaha iyo Nabadgelyada.

Gudidu iyada oo gudanaysa Waajibaadkeeda sharci waaxay kulan xog waraysi ah la yeelatay taliyaha Ciidanka ilaalada xeebaha **Admiral Cabdi Xirsi Ducaale**, kulan kaas oo ku saabsanaa sidii gudidda iyo ciidanku uga wada shaqayn lahaayeen Qabyo qoraalka Xeerka Ilaalada Ciidanka Xeebaha oo ay gudidu gacanta ku hayso. Kulankaas ka dib gudida waxay qabatay kulan maaleed ay maalgalisay Hay'ada EUCAP, iyada oo laga hadlayay xeerka kaas oo ay ka soo qayb galeen dhamaan daneeyayaasha xeerka oo ka mid ahaayeen:

1. Wasaarada Arimaha Gudaha
2. Wasaarada Xanaanada Xoolaha iyo Kaluumaysiga
3. Wasaarada Cadaalada
4. Xeer-ilaalinta
5. Laanta socdaalka
6. Ciidanka Booliska
7. Garyaqaanka Guud

Gudidda ilaalinta iyo dabagalka hantida qaranka.

1. Guddidan Ilaalinta Iyo Daba-galka Hantida Qaranku iyagoo dar-dar-glinaya hawlaha Golaha u egmaday Waxay:-
 - Kulan Xogwaraysi la yeelatay Maareeyaha Hay'adda Duulista iyo Madaarada **Duuliye Sare Cabdi Maxamed Rodal**
2. Sidoo kale Waxay Gudiddu laba Warbixinood ka siiyeen Golaha:-
 - Safar ay Gudiddu ku tagtay Dalka Tanzaaniya oo ku saabsanaa Xeerka Qandarasyada iyadoo Golaha Warbixin ka siiyeen Safarkaas 19/03/2018.
 - Xeerka Qandaraasyada Qaranka oo ay Golaha u soo gudbiyeen 21/04/2018.
3. Waxa kale oo ay Gudiddu Golaha uga soo tala-bixisay Ansixinta:-
 - Md. Axmed Yuusuf Dirir Hanti-dhowraha Guud ee Qaranka 07/05/2018

Gudidda Arrimaha Dibada, Iskaashiga Caalamiga ah iyo Q. Qaranka

Gudidda Arrimaha Dibadu 02/04/2018 waxay Golaha tala-bixin ka soo siiyeen Ansixinta Labada Masuul ee Kala ah:-

- Dr. Sacad Cali Shire Wasiirka Wasaarada Arrimaha Dibada iyo Iskaashiga Caalamiga ah.
- Md. Cawaale Ibraahim Shirwac Wasiirka Wasaarada Qorshaynta Qaranka.

Safarkii Gudoomiyaha Golaha Wakiilada ee G/Sool iyo Jiida hore.

16 May 2018 Wafti balaadhan oo uu hogaaminayo Gudoomiyaha Golaha Wakiilada Somaliland Md. Baashe Maxamed Faarax, qaybna ay ka yihiin xildhibaano ka tirsan Golaha wakiilada Somaliland, Wasiiro iyo Taliyayaal Ciidan ayaa gaadhay Magaalada Tukaraq ee Jiida hore, iyadoo Gudoomiyaha iyo Waftigiisu ay si balaadhan Ciidanka Qaranka ula qaybasay guushii ay ka soo hooyeen Dagaal Maalintii 15 May dhexmaray iyaga Ciidanka Maamulka Puntland.



Intaas ka dib, **17 May 2018** Gudoomiyaha iyo Xildhibaanada ka tirsan aqalka Golaha Wakiiladu waxay kulamo gaar gaar ah la yeesheen Gudidda Nabadgalyada ee Magaalo madaxda Gobolka Sool ee Laascaanood, sidoo kale waxay kulamo kale la qaateen Isuduwayaasha Wasaaradaha/Hay'adda Dawlada ee Gobolka Sool.



Waftiga oo Magaalada laascaanood mudo dhowr todobaad ah ku sugnaa waxay soo qabteen hawlo aad u muhiima oo ugu waynaayeen maamul daadejinta, Nabadgalyada iyo sidii laamaha Dawlada Gobolku u gudan lahaayeen shaqadooda, iyadoo 23 May soo saaray go'aamo ku saabsan Nabadgalyada oo ka koobnaa lix qodob nuxurkooduna ahaa in la ilaalino nabada iyadoo go'aamiyay in cid aan ahayn Ciidamada aanay Magaalada hub la dhexmari Karin, baabuur taariko lahayna magaalada dhexmari Karin, shir aan ogolaansho laga haysan Gudidda Nabadgalyadana aan la qaban Karin iyo go'aamo kale.

Xildhibaanada Gudoomiyaha ku wehelinayay Safarkaasi waxay kala ahaayeen:-

1. Md. Maxamed Jaamac Cabdi
2. Md. Siciid Maxamed Cilmi
3. Md. Maxamed Axmed Maxamed (Dhakool)
4. Md. Axmed Maxamed Caateeye (Awoowe)

Mudane ka geeriyooday AHN.

Intii lagu jiray Kal-fadhigii hore waxaa 9/04/2018 Golaha ka geeriyooday Rabi Naxariistii Jano ha ka waraabiyo, qabriga ha u nuuriyo Ehel, Qaraabadiisii iyo Qarankana Samir iyo Iimaan ha ka siiyee **Mudane Ibraahim Axmed Haybe.**

No.	Mudanihii geeriyooday AHN	Taariikdii	Mudanaha badalay
1.	Md. Ibraahim Axmed Haybe	9/04/2018	Md. Xuseen Axmed Caydiid

Sidoo kale Waxaa **12/03/2018** Geeriyooday Rabi Naxariistii Jano ha ka waraabiye
Agaasimihii Waaxda Maamulka iyo Xisaabaadka Golaha Wakiilada **Mr. Cabdi
Ismaaciil Xawaadle** Ilaahay Qabri ha u Nuuriyee.

C/risaaq Siciid Ayaanle
Xog-hayaha Guud ee Golaha Wakiilada JSL
